



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

De Patientia. Exercit. 74.

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

M A N V A L E

etiam consiliis & inspirationibus; & subiecti simus ei in omnibus sine vlla contradictione aut repugnantia; Et propter illum perfectam obedientiam prestemus iussis superiorum nostrorum, sine vlla excusatione aut replicatione, obtemperando non solum opere, sed etiam hilari animo, & iudicio humili.

Oblatio.

Offeremus Deo voluntatem nostram, consignando illam in manus ipsius vt nulla in re perficiat quod ipsa vult, sed quod diuinæ maiestati placitum fuerit: quia voluntas eius est regula omnis rectitudinis, iustitię & sanctitatis, ideoque digna quæ in omnibus impleatur.

DE PATIENTIA.

Exercit. 74.

Luc. 21. In patientia vestra possidebitis animas vestras.

Psal. 9. Patientia pauperum non peribit in finem.

Prou. 19. Doctrina viri per patientiam nascitur.

Psal. 70.

*Psalm. 70. Quoniam tu es patientia mea
Domine.*

Consideratio.

CONsiderabimus dignitatem huius virtutis; quandoquidem per ipsam anima possidetur: quàm impatiens omni penè hora perdit, partim propter impatientiam, odium, iram, rancorem & inquietudinem intrinsecam; tum propter alias multas occasiones quæ in hac misera vita singulis ferè momentis se offerunt: inter quæ vix fieri potest, nos sine Dei offensa conseruemus, nisi scuto patientiæ protegamur.

Gratiarum actio.

GRatias referemus Deo, pro perfectissimis patientiæ exemplis, quæ toto suæ vitæ cursu, & specialiter in Passione sua nobis prætulit; quia cum malediceretur, maledicta non regeffit, nec vllum incuriosum verbum ex ore suo protulit: cum falso accusaretur, non se defendit: cum iniuste cruciaretur tortoribus suis non est comminatus, sed tanquam

Agnus mansuetus inter supplicia, os suum non aperuit: & pro illis, qui neci eum tradiderunt, Deum Patrem orauit.

Confusio.

ERubescemus: considerando permodicam patientiam nostram, qui sæpenumero pro re minimi momenti turbati & inquietati fuimus, & animæ pacem quæ est, opulentissimus quidam thesaurus, & Dei lectulus, in quo, ipse in cordibus nostris requiescit, amissimus.

Petitio.

ROgabimus Deum, vt nobis sanctam hanc patientiæ virtutem largiatur: vt non modo patienter omnem aduersitatem ab ipso nobis immissam; sed quaslibet etiam persecutiones contemptus, falsa testimonia & iniurias vndecunque nobis aduenientes, sine vilo impatientiæ signo, animo hilariter sustineamus: de sola Dei offensa dolendo: & ex animo eos qui nos offendunt diligendo ac pro ipis orando.

Oblatio.

Offeremus nos Deo ad tolerandam amore ipsius omnem aduersitatem, persecutionem & contumeliam: & calicem quem pro nobis bibit, epotare desiderabimus.

DE CASTITATE.

Exercit. 75.

Eccles. 25. Omnis ponderatio non est digna continentis anime.

1. Timot. 5. Te ipsum castum custodi.

Luc. 12. Sint lumbi vestri præcincti.

Galat. 5. Fructus autem spiritus, continentia, castitas.

Consideratio.

Considerabimus, quam speciosa & nobilis, sit virtus castitatis: quæ Angelis Dei nos similes reddit: & quam è contrario turpe ac vile sit luxuriæ vitium quod bestijs nos similes constituit.